



Ewe Chekin unuchen inisumw ren TB (Mantoux)

Ewe chekin unuchen inisumw ren ewe tuberculosis (TB), pwan fan ekkoch re kan ker ngeni “Mantoux,” nge ew anen mecheresin omw kopwe katon ika mi uruk ewe latent TB infection.



Met ei latent TB infection?

Mi ruu sokkun ei men TB. Me ruu ekkei semwenin TB mi tongeni sipwe safeni. Ika pwe ewe paikingin TB aa tonong non inisumw, iwe ina met ee forata ewe latent TB infection. Ika pwe kose safeni, iwe ei latent TB infection mi tongeni epwene winitii ewe active TB disease. Aramas meinisin mi tongeni epwe urir ewe TB pwe mi tongeni epwe mwet seni emon ngeni emon pwe mi sa non asapwan.



Ewe ewin (1) phase – Latent TB Infection	Ewe oruwen (2) phase – Active TB Disease
Ekkewe paikingin TB ir mi tongeni “meur” non inisumw. Ei phase mi tongeni epwe nomwotam – mi fen tongeni epwe ier.	Ekkewe paikingin TB ir mi tongeni repwe manawanaw me tongeni ku ese pwan nifinifin. Ir mi tongeni repwe atai futuken non inisumw
Ina kosapw mesemesen me mefi pwe en mi semwen. Omw x-ray ni fan mwarumw nge ina epwe chok normal.	Ina kopwe aro mefi semwen. Ina noumw ewe doctor epwe cheki ika fori ekkewe test ren an epwe tongeni kuna iawe ewe TB aa atai tefen inisumw.
Kose tongeni ngeni aramas ewe TB.	Ika pwe ewe paikingin TB ee nomw non omw kewe lungs, iwe en mi tongeni kopwe ngeni aramas ena semwen nupwen omw mwor, mwesi, fos, ika ken.
Kich mi tongeni safeni ena semwen nge kopwe angei ewe safeni non ukukun 9 maram.	Kich mi tongeni safeni ena semwen nge kopwe angei 3 ika 4 safeni non ukukun 6 maram.

Met upwe tongeni sinei ren pwe aa uri ei ewe latent TB infection?

Omw cheki unuchen inisumw ren ewe TB (“Mantoux”) mi tongeni epwe pwar ngonuk ika pwe aa uruk ewe latent TB infection. Mi tongeni epwe uruk ewe latent TB infection ika pwe ke nomwotam unukun emon ewe mi uri ewe semwenin TB mi active (ina mwo ika kose sinei pwe ir mi semwen).

Noumw ewe health care provider ina upwe aea ew kukunun tikek an epwe inject ini ewe konik ika nene an epwe tongeni cheki (ei itan “tuberculin”) fan unuchen inisumw won poumw.

Noumw ewe health care provider EPWE cheki poumw ewe 2 ika 3 ran mwirin omw angei ewe chekin unuchen inisumw ren ewe TB, ina mwo ika pwe poumw ewe mi nikinikin mi OK.

Upwe ifan an upwe tumwunu peiwe mwirin aiwe chekin unuchen inisiwe ren ewe TB?

- Kosapw pwenu ikkewe ie ke chek ie ngeni kache me tep.
- Tumwunu kosapw apwerika ika tofi.
- Ika pwe ee pwerik ikkewe ie ke chek ie, iwe watta echo uuf mi patapat won.
- En mi tongeni tenu poumw ewe me apwasa nge kopwe chok fori non pwetete.

Kosapw mefi nuwokus omw kopwe no chek. En mi tongeni chikar seni TB!

Nge epwe fet ika pwe aiwe chekin unuchen inisi ren ewe TB mi negative?

Ika pwe ewe test mi “negative” iwe ese pwan pwou (ika or ew kukunun pwo) ikkewe ie ke chek ie ar ewe opwosanong ewe fluid. Ika pwe omw ewe cheki unuchen inisumw ren ewe TB nge mi negative iwe wewen ena nge ese uruk ewe TB.

Nge fan ekkoch, iwe mi namot omw kopwe pwan angei sefani ewe chekin TB ar repwe cheki unuchen inisumw ewe mwirin fitu kinikinin fansoun.

Nge epwe fet ika pwe aiwe chekin TB ar cheki unuchen inisiwe nge mi positive?

Ewe test epwe “positive” ika pwe mi pwan or ewe ukun pwo ikkewe ie re opwosanong ie ewe fluid. Wewen ei nge mi or ewe paikingin TB non inisumw. Napengeni aramas ir mi positive nupwen ar cheki unuchen inisir ewe ren TB iwe mi urir ewe latent TB infection. Ren chok omw kopwe fat, noumw ewe doctor ina epwe examine inuk me katon fanmwarumw ren ewe x-ray. Ina kopwe pwan angei ekkewe ekkoch test ren omw kopwe katon ika mi uruk ewe semwenin TB mi active.

Kopwe tumwunuk me tumwunu omw ewe famini – cheki unuchen inisumw ren ewe TB!

Ren omw kopwe angei ewe test ika ren omw kopwe cheki unuchen inisumw ren ewe TB, iwe kokori noumw ewe doctor ika ewe public health department.

Kopwe cheki unuchen inisumw ewe ren ewe TB ika pwe:

- en mi pin nomw unukun emon ewe mi uri ewe TB mi active,
- en mi pin nomw ikkewe ie ika nom non ewe country mi fokkun chomwong aramas mi urir ewe TB,
- ke kan angang ika nomw non ewe nursing home, clinic, pioing, pureik, ika homeless shelter, ika
- mi uruk ewe HIV infection ika or pwan ekkoch omw semwen.

Nge ee fet ika uwa fen angei ewe opwosun BCG?

Ina mwo ika ka fen angei ewe opwosun BCG, nge en mi tongeni kopwe cheki unuchen inisumw ewe ren ewe TB.

- Aramas ra fen angei ewe opwosun BCG nge ir mi tongeni epwe urir ewe latent TB infection me pwan ewe semwenin TB mi active.
- Ewe opwosun BCG mi tongeni epwe anisi ekkewe kukun semirit ar resapw semwenasini ewe TB. Ei epet nge ee kan kukununo nupwen ar ra wakkateno no.
- Ewe opwosun BCG nge fan ekkoch mi tongeni epwe fen positive omw ewe chekin TB ren. Nge ika pwe mi positive omw ewe reaction ngeni omw ewe cheki unuchen inisumw ren ewe TB, iwe ina epwe seni ewe paikingin TB non inisumw – esapw seni ewe opwosun BCG.

En mi tongeni angei ewe chekin TB ika cheki unuchen inisumw ewe ren ewe TB, ina mwo ika ka fen angei ewe opwosun BCG!